



Ovra collectiva dal giubileum da la Viafier retica.

MAD

# VR – 125 onns en viadi fascinant

In cudesch ed in film da giubileum per l'anniversari da 125 onns

■ (cp) Dapi 125 onns è la Viafier retica (VR) en viadi tras il Grischnun, il chantun cun la pli gronda surfatscha da la Svizra. Per ses giubileum fa la viafier da muntogna grischuna in regal attractiv a sasezza ed a ses fans da tut il mund: in'ovra collectiva multimediala e plurilingua che envida da scuvrir e che raquinta co che l'idea d'in Ollandais e l'emprim traject da Landquart a Tavau è daventada la viafier da 384 kilometers d'oz. L'ovra è resultada en collavuraziun cun Radiotelevisiun Svizra Rumantscha (RTR) che ha contribuì fotografias istoricas unicas da ses archiv. L'ovra vegn preschentada al public a chaschun dal di da las portas avertas ils 10 da matg 2014 a Landquart.

## VR 1889 – 2014: in'istorgia che impressiunescha internaziunalmain

L'istorgia da 125 onns da la Viafier retica è era l'istorgia da l'avertura per il traffic dal chantun Grischnun. Ils pioniers da la viafier han creà ina rait da lingias che colli bunamain tut il Grischnun e che s'integrescha il medem mument perfetgmain en la natira grischuna selvadia. La VR vegn stimada internaziunalmain: pervia da la qualitat singulara da la construcziun da viafiers e pervia da l'integraziun perfetga en ina cuntrada cultivada

appartegna la Viafier retica en la cuntrada Alvra/Bernina dapi il 2008 al Patrimoni mundial da l'UNESCO.

## 125 istorgias da la Viafier retica cun stgazis da l'archiv ...

125 onns èn in lung temp, durant il qual la VR ha endrizzà in archiv voluminos cun documents e fotografias. Ma era blers fotografas han contribuì a quai ch'il lectur ed observatur dad oz po sfegliar en ils 125 onns variads da la VR e ch'el po tscha e là era surrir: tranter las «125 istorgias da la Viafier retica» sa chattan anecdotas da pli baud. Cura ch'il directur ha p.ex. communitgà persunalmain il 1912 «ch'ins stoppia dar auta atenziun che las tualettas publicas da las staziuns sajan propri nettas».

## ... ed ina premiera da film davart «Ils pioniers da la viafier en il Grischnun»

L'ovra collectiva prenda il lectur cun sai sin in viadi multimedial tras 125 onns, durant ils quals ins n'ha betg mo scrit istorgia da viafier, mabain er istorgia contemporanea. Ella documentescha l'istorgia fascinanta da la Viafier retica cun maletgs, tun e texts sin dus DVDs cun films documentars istorics unics da Radiotelevisiun Svizra Rumantscha (RTR). En pli datti in magazin da gronda qualitat cun

125 maletgs ed istorgias en sis episodas interessantas davart l'istorgia dals pioniers da quest capodovra sin binaris.

## Di da las portas avertas a Landquart

Il di da las portas avertas da la VR dals 10 da matg 2014 a Landquart ha lieu la vernissascha dal cudesch cun la premiera esclusiva dal nov film da RTR «Ils pioniers da la viafier en il Grischnun» da Ruedi Bruderer a las 14.45 en il Forum Ried. Il president dal cussegl d'administraziun da la VR Stefan Engler ed il directur general da la SRG SSR Roger de Weck vegnan er ad esser preschents.

L'ovra collectiva pon ins cumprar il di da las portas avertas per il pretsch spezial da CHF 49.00. Suentar è ella disponibla en las librerias ed en il railshop da la VR sut [www.rhb.ch/railshop](http://www.rhb.ch/railshop).